

## Confiteor.

Gtjinisgam getoi pagapogoei mset gògoel gisi-  
tògsepenel, Mali metj nasgoet sapeotil mestan-  
gel, Misel elp gtjiansaleoit sapeotil mestangel,  
San tettògòl sapeotil Oestaolgol sigentoasenel  
ogsitgamog eimeliteg, Piel elp tettògòl sapeotil  
ag Pòl sapeotil tettògòl, mset elp oasòg eigig  
sapeotil tettotitjel pagapogoanig ogtjit eloeoiap.  
oinitasiap, oinapogoap, oinasiap; getjito pa  
nteloeoasin, getjito pa nteloecasin, getjito pa  
lnim nteogsami loeoasin. Ogtjit alasomgig Mali  
metj nasgoet sapeotil mestangel, Misel elp  
gtjiansaleoit sapeotil mestangel, San tettògòl  
sapeotil Oestaolgol sigentoasenel ogsitgamog  
eimeliteg, Piel elp tettògòl sapeotil ag Pòl  
sapeotil tettògòl, mset elp oasòg eigig sapeotil  
tettotitjel alasomgig alasotmelseoititj Gtji-  
sagmao Genisgamino ngagi apigsigtemagon  
nteloeotil tesigel.

Gtjinisgam mestagisiteget eolitelmolgotj ag  
gis gisi gasatolgoel gteloetinal tòg iaptji osgi-  
tjinotigtog lalnogotj. Amen.

† Gtjisagmao mestagisiteget ag netaoi eolite-  
teget gagi gasatolgotj, gagi gasoigemolgotj ag  
mesta apigsigtemolgotj gteloetinal tesigel.  
Amen.

*Nige neoggol tleien teloigasigel. Sig. n. 64.*

*Gisi pagapogoemgel.*

Taletes, Nisgam, tleioin teli pgoatigel nte-  
loeotil? Agai! tan teli pg-tji osgitjinoiep mesta  
oatjoiaagsepenel oinmetoanel! Lòganiaptemanel,  
lòg anatemanel, Nisgam, teli loeoiapenel, teli  
patategapenel ag teli ogoaiolapenel, teli gtjisa-  
peoin ògotj tjel mo gespianog, teli ptjili gsal-  
gosin ag notji gsaloen tjel mesi gisitetemeg.